



COMUNU DE QUARTU S. ALENI

**Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.**

## **QUARTU E SA SARDIGNA PROTAGONISTAS IN SA RETE NATZIONALE DE SU ROMÀNICU**

Fintzas Quartu intrat a sa costituenda rete natzionale de su Romànicu in Itàlia, a traessu de s'Acòrdiu de collaboratzione intre sa “Fundatzione Sardigna Ìsula de su Romànicu”, de cale sa de tres tzitade de s'ìsula faghet parte e sa “Fundatzione Lemine” de Bèrgamu. Siglada fintzas una cunventzione operativa chi ghetat unu ponte intre Sardigna e Lombardia pro avalorare su patrimoniù istòricu e architetonicu mannu de època romànica in is duas regiones, castiende a s'Europa.

S'Acòrdiu est istadu firmadu su cùrridu 23 santandria in Bèrgamu, acanta su Palatzu de sa Provìntzia de su Presidente de sa “Fundatzione Sardigna Ìsula de su Romànicu” Antonello Figus e de su Presidente de sa “Fundatzione Lemine” Giambattista Brioschi. Presente fintzas una nutrida rapresentàntzia de sindigos e delegatziones de is Comunos sardos aderentes a sa rete de su Romànicu, intre cale sa de su Comunu de Quartu Sant'Aleni, chi podet bantare a s'internu de su territòriu suo diversas testimonias de època romànica, subra de cale s'Amministrazione at de tempus impostadu unu progetu de valorizatzione.

S'addòbiu at cunsentidu a is delegados sardos de pòdere adobiare sa prima borta is omòlogos de s'Assòtziu Lombardu Comunos Piticos, puru de fàghere su puntu subra de su tretu chi at a giùghere bene chitzo a sa costituzione de su Grupu Europeu de Cooperatzione Territoriale «Small Communities with Great Cultural Heritage», chi previdet unu partenariadu intre s'Assòtziu Lombardu comunos piticos, sa Fundatzione Sardigna Ìsula de su Romànicu e s'Assòtziu comunos piticos de su Baden-Wuerttemberg.

“S'intentzione est sa de isvilupare progetualidade complementares e si pònnere obiettivi comunos a su fine de promòvere su Romànicu Sardu in Lombardia, e in mustrada fintzas in Europa”, at ispiegadu Annamaria Demurtas, cussigera comunale e delegada pro su Comunu de Quartu a sa Firma de s'Acòrdiu de Bèrgamu. “Quartu podet a bonu diritu ambire a su ruolu de capofila locale in s'àmbitu de su romànicu, essende presentes in su territòriu nostru bene 6 giassos religiosos de època romànica: is cresieddas de Santa Maria de Cepola, San Pietro de Ponte, San Benedetto, Buoncammino, San Forzorio e Sant'Agata”.

Su Comunu de Quartu aiat aderidu in su mese de trìulas a sa Fundatzione “Sardigna Ìsula de su Romànicu” cun su bia libera de su Cussìgiu finalizzato apuntu a costruire un'istategia de valorizatzione de is benes culturales tzitadinos in gradu de sustentare s'isvilupu de oportunidades turìsticas, de traballu e culturales de primore, in un'òtica de sinergia cun is àteros territòrios in s'ìsula e a foras de s'ìsula, fintzas isfrutende is importantes oportunidades de is bandos europeos de riferimentu.

S'idea est sa de isvilupare progetos ùtiles a rivalutare is plùrimas risursas de sa tzitade a traessu de interventos de afortigamentu e isvilupu de su territòriu, de afortiamentu de is capatzidades atrativas, de cunsolidamentu de is balores identitarios e de isvilupu locale sustenibile.

“Is crèsias costruidas in istile romànicu intre sa metade de su XI e is cumintzos de su sèculu XIV rapresentant un'ala importante de su patrimoniù istòricu monumentale de sa Sardigna, e Quartu podet bantare ùnica in s'ìsula una filera de giassos mannas chi como abetant petzi de èssere connotos”, concruit sa Demurtas